

საჯარო სამართლის იურიდიული პირი

სახელმწიფო სამხედრო სამეცნიერო-ტექნიკური ცენტრი „დელტა“



გამარტივებული ელექტრონული ტენდერის დოკუმენტაცია
„სატელეკომუნიკაციო მოწყობილობები და აქსესუარები“
CPV- „32500000“
სახელმწიფო შესყიდვის შესახებ

დაფინანსების წყარო - სახელმწიფო ბიუჯეტი

2014 წელი

ქ. თბილისი

ს ა რ ზ ე ვ ი

- 1) ინსტრუქცია ტენდერში მონაწილეობისთვის ----- 3
- 2) ტექნიკური დოკუმენტაცია ----- 4
- 3) დანართი №1 - რეკვიზიტები ----- 6
- 4) დანართი №2 - ფასების ცხრილი -----7
- 5) სახელმწიფო შესყიდვის შესახებ ხელშეკრულების პროექტი -----8
- 6) ტექნიკური დავალება ----- 16

ინსტრუქცია ტენდერში მონაწილეთათვის

- სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანების შესაბამისად.
- ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).
- სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- პრეტენდენტს არა აქვს უფლება წარმოადგინოს ალტერნატიული წინადადება.
- სატენდერო დოკუმენტაციის შესახებ ინფორმაცია შეგიძლიათ მიიღოთ სატენდერო კომისიის აპარატის წევრისაგან: შალვა თეთრაძე, ტელ: 2970167, 591137171 ქ. თბილისი, მნათობის ქ. №73.

ტექნიკური დოკუმენტაცია

- შესყიდვის ობიექტი: სსიპ სახელმწიფო სამხედრო სამეცნიერო-ტექნიკური ცენტრ “დელტა”-სთვის IP ტელეფონების შესყიდვა.
- შესყიდვის საორიენტაციო ღირებულება - 6 700,00 (ექვსი ათას შვიდასი) ლარი.

1. საქონლის მიწოდების ვადა და პირობები:

- 1.1. მიწოდების ვადა: ხელშეკრულების გაფორმებიდან არაუგვიანეს 10 (ათი) კალენდარული დღისა.
- 1.2. მიწოდების ადგილი: ქ. თბილისი, ზოგდან ხმელნიცკის N181

2. სატენდერო წინადადების ფასი:

- 2.1. სატენდერო წინადადების საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით, მათ შორის დ.დ.გ-ს ჩათვლით
- 2.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3. ანგარიშსწორების პირობები

- 3.1. ანგარიშსწორება მოხდება უნაღდო ანგარიშსწორებით ლარში.
- 3.2. ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის განმავლობაში.
- 3.3. წინასწარი ანგარიშსწორების შემთხვევაში მიმწოდებელი ვალდებულია წარადგინოს ამავე ოდენობის თანხაზე საბანკო გარანტია. უპირობო და გამოუთხოვადი საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს საქონლის მიწოდების ვადას.
- 3.4. გარანტია შესაძლებელია გაცემული იქნას როგორც საქართველოში მოქმედი საბანკო დაწესებულებ(ებ)იდან, ისე სადაზღვევო კომპანიიდან.

4. პრეტენდენტის მიერ სისტემაში ასატვირთი ინფორმაცია:

- 4.1. რეკვიზიტები - დანართი №1;
- 4.2. ფასების ცხრილი - დანართი №2, ტექნიკური დავალებით (იხ. გვ.17) დადგენილი (ან იდენტური) ტექნიკური მახასიათებლების შესაბამისად;
- 4.3. შემოთავაზებული საქონლის ხარისხის (შესაბამისობის) დამადასტურებელი დოკუმენტი.

შენიშვნა:

- სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით

5. დამატებითი ინფორმაცია:

- 5.1. პრეტენდენტის მიერ ელ. ტენდერში მონაწილეობის მიღება (წინადადების წარმოდგენა) ნიშნავს, რომ იგი სრულად ეთანხმება შემსყიდველის ელ. ტენდერის დოკუმენტაციით გათვალისწინებულ მოთხოვნებს
- 5.2. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები “მყიდველი”-სათვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 5.3. ტექნიკურ დოკუმენტაციასთან დაკავშირებით კითხვების არსებობის შემთხვევაში ინფორმაცია შეგიძლიათ მიიღოთ: სსიპ სსსტც „დელტა“-ს სახელმწიფო შესყიდვების დეპარტამენტის შესყიდვების სამმართველოს უფროსი ვლადიმერ გაბომე ტელ: 595 98 41 41.

რეკვიზიტები

პრეტენდენტის იურიდიული ფორმა და დასახელება	
ხელმძღვანელის სახელი და გვარი	
პრეტენდენტის იურიდიული ან/და ფაქტური მისამართი	
საიდენტიფიკაციო კოდი	
პრეტენდენტის ტელეფონის ნომერი	
ელექტრონული მისამართი	
მომსახურე ბანკის დასახელება	
ბანკის კოდი	
ანგარიშის ნომერი	

პრეტენდენტის ხელმოწერა, ბეჭედი _____

სატენდერო წინადადების ფასი
(დღგ-ს ჩათვლით, ლარი) და ფასების ცხრილი

_____ (შევსების თარიღი)

_____ აღნიშნულ საქონელს გთავაზობთ _____ (_____) ლარად
(პრეტენდენტის დასახელება) (თანხა ციფრებით) (თანხა სიტყვიერად)

#	საქონლის დასახელება	საქონლის მახასიათებლები	წარმოშობის ქვეყანა	განზ. ერთ.	რაოდენ ობა	ერთ. ფასი	საერთ. ფასი	მიწოდების ვადა	მიწოდების ადგილი
	1	2		4	5	6	7	9	10
1									
2									
3									
.									
.									

პრეტენდენტის ხელმოწერა, ბეჭედი _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვის შესახებ №

„ — „ — “

ქ. თბილისი

ერთის მხრივ _____ (შემდგომში - შემსყიდველი)

(შემსყიდველის დასახელება და იურიდიული მისამართი)

და მეორეს მხრივ _____ (შემდგომში - მიმწოდებელი)

(მიმწოდებლის დასახელება და იურიდიული მისამართი)

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი (SPA _____), რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმადაც, მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი _____ ლარად (შემდგომში “ხელშეკრულების ფასი”).

(ხელშეკრულების თანხა ციფრებითა და სიტყვიერად)

1. გამოყენებული ტერმინების განმარტებები

- 1.1. ხელშეკრულებაში გამოყენებულ ტერმინებს აქვს შემდეგი მნიშვნელობები:
- 1.2. “ხელშეკრულება სახელმწიფო შესყიდვების შესახებ” (შემდგომ “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, სევე მთელი დოკუმენტაციით, რომელზეც ხელშეკრულებაში არის მინიშნებული;
- 1.3. “ხელშეკრულების ჯამური ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულების სრულად და ზედმიწევნით შესრულებისთვის;
- 1.4. “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ანხორციელებს შესყიდვას;
- 1.5. “მიმწოდებელი” ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვების შესახებ მოცემული ხელშეკრულების ფარგლებში;
- 1.6. “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. მიმწოდებელი იღებს ვალდებულებას, ამ ხელშეკრულებით გათვალისწინებული პირობების და ხელშეკრულების დანართ(ებ)ის შესაბამისად მიაწოდოს შემსყიდველს საქონელი.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის კანონმდებლობით დადგენილ ყველა გადასახადს, მოსაკრებელსა და სახდელს.
- 3.2. საქონლის ერთეულის ფასი და რაოდენობა განისაზღვრება ხელშეკრულების დანართ(ებ)ში.

4. ანგარიშსწორება

- 4.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 10 (ათი) სამუშაო დღის ვადაში ამ ხელშეკრულებით გათვალისწინებული დოკუმენტაციის საფუძველზე;
- 4.2. წინასწარი ანგარიშსწორების შემთხვევაში მიმწოდებელი ვალდებულია წარადგინოს ამავე ოდენობის თანხაზე საბანკო გარანტია. უპირობო და გამოუთხოვადი საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს საქონლის მიწოდების ვადას.
- 4.3. გარანტია შესაძლებელია გაცემული იქნას როგორც საქართველოში მოქმედი საბანკო დაწესებულებ(ებ)იდან, ისე სადაზღვევო კომპანიიდან.
- 4.4. ანგარიშსწორების ვალუტა: ლარი;
- 4.5. ანგარიშსწორების ფორმა: უნაღდო (საბანკო გადარიცხვა);
- 4.6. შემსყიდველი უფლებამოსილია განახორციელოს წინასწარი ანგარიშსწორება ხელშეკრულების საერთო ღირებულების ----- %-ის ოდენობით (ავანსი), მიმწოდებლის მიერ ამავე ოდენობის თანხაზე საბანკო გარანტიის წარმოდგენიდან ----- სამუშაო დღის ვადაში;
- 4.7. მიმწოდებლის მიერ წარმოდგენილი საბანკო გარანტია უნდა შეესაბამებოდეს შემსყიდველის მოთხოვნებს და მისი მოქმედების ვადა ხელშეკრულების მოქმედების ვადას არანაკლები 30 დღით უნდა აღემატებოდეს;
- 4.8. თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შერულებული ვალდებულების ნაწილში) მოქმედების ვადა შესაძლებელია ვადად შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში.

5. სტანდარტები

- 5.1. ხელშეკრულება ფარგლებში მიწოდებული საქონელი უნდა შეესაბამებოდეს ტექნიკურ დოკუმენტაციაში მითითებულ სტანდარტებს.

6. საპატენტო უფლებები

- 6.1. საქონლის ან მისი ნებისმიერი ნაწილის გამოყენებისას საპატენტო უფლებების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

- 7.1. ხელშეკრულებით ნაკისრი ვალდებულებების შესრულების კონტროლს განხორციელებს საქართველოს სახელმწიფო სამხედრო სამეცნიერო-ტექნიკური ცენტრი „დელტა“-ს თანამშრომელთა ჯგუფი;
- 7.2. ჯგუფის ფუნქციებია:
- 7.3. მისაწოდებელი და/ან მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება-ჩაბარების აქტის გაფორმება;
- 7.4. სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება.

8. საქონლის მიწოდების პირობები

- 8.1. საქონლის მიწოდება უნდა განხორციელდეს ხელშეკრულების დადებიდან _____ დღის განმავლობაში;
- 8.2. საქონლის მიწოდება უნდა განხორციელდეს ადგილზე: ქ. თბილისი, _____

9. ხარისხი

- 9.1. საქონლის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს და/ან წარმოდგენილი ნიმუშის (ნიმუშის წარდგენის ვალდებულების შემთხვევაში) პარამეტრებს.

10. გარანტია

- 10.1. მიწოდებული საქონლის სრულფასოვანი ფუნქციონირებისათვის (ვარგისობის) საგარანტიო ვადა განისაზღვრება სატენდერო დოკუმენტაციის ტექნიკური მოთხოვნით;
- 10.2. თუ საგარანტიო პერიოდში აღმოჩნდება ნაკლი, მიმწოდებელი ვალდებულია, შემსყიდველის შეტყობინების მიღებიდან 5 (ხუთ) დღეში განიხილოს (დააკმაყოფილოს ან განაცხადოს მოტივირებული უარი) შემსყიდველის შეტყობინება და შემსყიდველის მოთხოვნის შესაბამისად 10 (ათი) დღის ვადაში გამოსწოროს ნაკლი, შეცვალოს დეფექტური ნაწილი/საქონელი, ან დაუბრუნოს შემსყიდველს გადახდილი თანხა.

11. შესყიდვის ობიექტის მიღება-ჩაბარების წესი

- 11.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების მიერ ხელმოწერილი მიღება-ჩაბარების აქტით.
- 11.2. მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისათვის საქონლის დროებით შენახვაზე გაფორმებული მიღება-ჩაბარების აქტის თარიღი
- 11.3. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას;
- 11.4. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:
 - 11.4.1. იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და
 - 11.4.2. მიწოდებულია ხელშეკრულებაში მითითებულ რაოდენობაზე მეტი ოდენობით (ნამეტის ფარგლებში); ან/და
 - 11.4.3. მიწოდებულია ხელშეკრულებაში მითითებულ რაოდენობაზე ნაკლები; ან/და
 - 11.4.4. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და
 - 11.4.5. ხარვეზების გამოსწორება შეუძლებელია; ან/და
 - 11.4.6. კანონმდებლობით გათვალისწინებულ სხვა შემთხვევებში;
- 11.5. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო მიღება-ჩაბარების აქტის ხელმოწერის მომენტიდან აღნისნული უფლებები და რისკები გადადის შემსყიდველზე.
- 11.6. საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი;
- 11.7. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) საქონელი.

12. უფლებების გადაცემა

- 12.1. დაუშვებელია მიმწოდებლის მიერ ხელშეკრულებით გათვალისწინებული უფლებამოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

13. ხელშეკრულების შესრულების შეფერხება

- 13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების

მიმღებმა მხარემ, რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

- 13.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

14. ხელშეკრულებაში ცვლილებების შეტანა

- 14.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა;
- 14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
- 14.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 14.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;
- 14.5. ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედგენით, რაც წარმოადგენს ხელშეკრულების განუყოფელ ნაწილს;
- 14.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერს მხარეთა უფლებამოსილი წარმომადგენელ(ებ)ი.

15. ხელშეკრულების პირობების შეუსრულებლობა

- 15.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს წინასწარი შეტყობინების გარეშე დაეკისრება შემსყიდველისათვის შემდეგი ოდენობის პირგასამტეხლოს გადახდა:
- 15.1.1. საქონლის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) ხელშეკრულების ღირებულების 0.1% ყოველ ვადაგადაცილებულ დღეზე.
- 15.2. თუ მიმწოდებელს შემსყიდველსაგან მიღებული აქვს ავანსი და/ან ხელშეკრულებას ამოეწურა ვადა მათ შორის შეწყდა ვადამდე, მაშინ:
- 15.2.1. მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);
- 15.2.2. წინასწარი შეტყობინების გარეშე, 15.1 პუნქტით გათვალისწინებულ პირგასამტეხლოს დამატებით, დაეკისრება შემსყიდველისათვის პირგასამტეხლოს გადახდა ავანსად მიღებული და ავანსიდან შეუსრულებელი თანხის 3%-ის ოდენობით ავანსის მიღების დღიდან თანხის ფაქტობრივად დაბრუნებამდე ყოველ თვეზე (არასრული თვე დაანგარიშდება პროპორციულად, დღეების მიხედვით).
- 15.3. პირგასამტეხლოს დარიცხვის მიუხედავად შემსყიდველი უფლებამოსილია:

- 15.3.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;
- 15.3.2. მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო 15.1.1 ქვეპუნქტის შესაბამისად.
- 15.4. შემსყიდველის მიერ ამ ხელშეკრულებით განსაზღვრული ანაზღაურების შეთანხმებულ ვადაში მიმწოდებლისათვის გადაუხდელობის შემთხვევაში შემსყიდველს ეკისრება მიმწოდებლისათვის პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.2%-ის ოდენობით, მაგრამ არა უმეტეს გადაუხდელი თანხის 2 %-ისა.
- 15.5. მიმწოდებლის მიერ ხელშეკრულებით ნაკისრი ვალდებულების დარღვევისას შემსყიდველი უფლებამოსილია გამოიყენოს მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია კანონმდებლობით განსაზღვრული წესის შესაბამისად.
- 15.6. პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.
- 15.7. დღეების მიხედვით დარიცხვადი პირგასამტეხლოს დარიცხვა წყდება ხელშეკრულების მოქმედების ვადის გასვლის შემდეგ.
- 15.8. თუ ხელშეკრულების შეწყვეტის ან მოქმედების ვადის გასვლის გამო დღეების მიხედვით პირგასამტეხლოს დარიცხვა ვერ ხორციელდება ან დარიცხული პირგასამტეხლოს ჯამი იქნება ხელშეკრულების ღირებულების 2%-ზე ნაკლები, მიმწოდებელს დაეკისრება მხოლოდ ფიქსირებული პირგასამტეხლო ხელშეკრულების ჯამური ღირებულების 2 %-ის ოდენობით.

16. ხელშეკრულების შეწყვეტა

- 16.1. ეს ხელშეკრულება შეიძლება ვადამდე შეწყდეს:
 - 16.1.1. ორმხრივი წერილობითი შეთანხმებით ნებისმიერ დროს;
 - 16.1.2. ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ ---- დღის ოდენობით. ამასთან, დამატებითი ვადა შეიძლება არ მიეცეს თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.
- 16.2. ხელშეკრულების შეწყვეტა (მათ შორის ვადის გასვლის გამო შეწყვეტა) არ ათავისუფლებს მხარეებს:
 - 16.2.1. იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);
 - 16.2.2. ზიანის ანაზღაურების მოთხოვნის დაკმაყოფილებისაგან ან/და ვალდებულებისაგან (ზიანის არსებობის შემთხვევაში);
- 16.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულების შესრულებისაგან.

17. ფორს-მაჟორი

- 17.1. მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.
- 17.2. "ფორს-მაჟორის" ქვეშ იგულისხმება გარემოება, რომლის არ არსებობა ამ ხელშეკრულების დადებისას და რომლის თავიდან აცილება ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.
- 17.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულების შესრულება, ვალდებულია დაუყოვნებლივ (ფორს-მაჟორის დადგომიდან არა უგვიანეს სამუშაო დღისა) აცნობოს მეორე მხარეს ნაკისრი ვალდებულების შეუსრულებლობის შესახებ. შეუტყობინებლობის ან დაგვიანების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისაგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.
- 17.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.
- 17.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

18. სადავო საკითხების გადაწყვეტა

- 18.1. მხარეები თანხმდებიან რომ მათ შორის ამ ხელშეკრულებასა და მის განხორციელებასთან დაკავშირებული ნებისმიერი სადავო საკითხი მოლაპარაკების მეშვეობით მოაგვარონ.
- 18.2. თუ სადავო საკითხი მოლაპარაკებით ვერ მოგვარდა, ნებისმიერ მხარეს, დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

19. გადასახადები და დაბეგვრა

- 19.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახადების გადახდაზე.

20. შეტყობინება

- 20.1. თუ ამ ხელშეკრულებით სხვა რამ არ არის გათვალისწინებული, მხრეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფელის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.
- 20.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა,

მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება აგაგზავნის მეორე სამუშაო დღეს.

21. სხვა პირობები

- 21.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2014 წლის _____.
- 21.2. ხელშეკრულების დანართ(ებ)ი წარმოადგენს წინამდებარე ხელშეკრულების განუყოფელ ნაწილს.
- 21.3. ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.
- 21.4. ხელშეკრულება შედგენილია ქართულ ენაზე, თანაბარი იურიდიული ძალის მქონე ---- ეგზემპლარად.

მხარეთა რეკვიზიტები:

შემსყიდველი:

მიმწოდებელი:

სსიპ სახელმწიფო სამხედრო სამეცნიერო-ტექნიკური
ცენტრი „დელტა“
მისამართი: ქ. თბილისი, მნათობის ქ. №73
ტელ./ფაქსი: 2955 027
საიდენტიფიკაციო კოდი №202297335
საბანკო რეკვიზიტები: სს „საქართველოს ბანკი“-ს ც/ფ
საბანკო კოდი (220101502) BAGAGE 22
ანგარიშსწორების ანგარიში GEO4BG0000000120236700

გენერალური დირექტორის
დროებით მოვალეობის შემსრულებელი

_____ უჩა ძოძუაშვილი

ტექნიკური დავალება

საქონლის დასახელება	ტექნიკური მახასიათებლები		რაოდ.	ზ/ე
IP ტელეფონი	SIP თავსებადობა/პროტოკოლები	SIP RFC2361, TCP/IP/UDP, RTP, HTTP/HTTPS, ARP/RARP, ICMP, DNS (A record, SRV, NAPTR), DHCP, PPPoE, TELNET, TFTP, NTP, STUN, SIMPLE, TR-069, 802.1x და ა.შ.	50	ცალი
	კავშირის ინტერფეისი	ორმაგი გადაყვანადი 10/100Mbps პორტი ინტეგრირებული PoE თი		
	გრაფიკული ჩვენება	უკანა განათების 180x60 გრაფიკული LCD ჩვენება 4 დონემდე ნაცრისფერი შკალით		
	მახასიათებელი ლილაკები	2 ლილაკი ორ ფერიანი LED ჩვენებით და 2 დამოუკიდებელი SIP ანგარიშით, 3 XML დაპროგრამებადი კონტექსტური მგრძნობიარე ლილაკი, 5 navigation/menu/volume ლილაკი, 10 ფუნქციური ლილაკი: HOLD, SPEAKERPHONE, SEND/REDIAL, TRANSFER, CONFERENCE, MUTE, HEADSET, VOLUME, PHONEBOOK/CONTACTS და MESSAGE (LED ინდიკატორით)		
	ხმის კოდერ-დეკოდერი	მხარდაჭერა: G.723.1, G.729A/B, G.711u/a, G.726-32, G.722 (wide-band), iLBC, in-band and out-of-band DTMF (in audio, RFC2833, SIP INFO)		
	ტელეფონის მახასიათებლები	Hold, transfer, forward, 3-way კონფერენცია, call park, pickup, shared-call-appearance (SCA)/bridged-line-appearance (BLA), გადმოწერადი სატელეფონო წიგნაკი (XML, LDAP, 500 ჩანაწერამდე), ზარის ლოდინი, ზარების ჩანაწერი (500 ჩანაწერამდე), XML ის ცვლილება, off-hook auto dial, ავტომატური პასუხი, click-to-dial, flexible dial plan, hot desking, პერსონალიზირებული მუსიკა ზარზე და Hold რეჟიმის დროს, server redundancy and fail-over		
	მაღალი გარჩევადობის აუდიო	დიახ, ყურმილსაც და სპიკერსაც		
	ყურსასმენის თავაკი	RJ9 and 2.5mm ყურსასმენის თავაკი		
	მთავარი სადგამი	დიახ, ორი სხვადასხვა კუთხის პოზიციებით		
	კედელზე მიმაგრებადი	დიახ		
	QoS	Layer 2 (802.1Q, 802.1p) და Layer 3 (ToS, DiffServ, MPLS) QoS		
	უსაფრთხოება	მომხმარებლის და ადმინისტრატორის დონის აუთენტიფიკაცია, MD5 და MD5-session აუთენტიფიკაცია, AES დამყარებული უსაფრთხოების კონფიგურაციის ფაილი, SRTP, TLS, 802.1x მედია წვდომის კონტროლი		
	მრავალენოვნება	ინგლისური გერმანული იტალიური,ფრანგული ესპანური პორტუგალიური რუსული,ხორვატიული ჩინური, კორეული იაპონური და ა.შ.		
	გაუმჯობესება / მოდერნიზება	სამართავი სისტემის განახლება TFTP/HTTP/HTTPS-ს გავლით, მასიური განახლება TR-069 ან დაშიფრული XML კონფიგურაციის ფაილით		
	კვება / მწვანე ენერგიის ეფექტურობა	უნივერსალური კვების ადაპტერი: Input: 100-240VAC 50-60Hz; Output: +5VDC, 800mA; ინტეგრირებული Power-over-Ethernet (802.3af); მაქსიმალური ენერგიის მოხმარება 2.5W (კვების ადაპტერი)		
	ფიზიკური მონაცემები	შეკვრის ზომები: 186mm (W) x 210mm (L) x 81mm (D); Unit weight: 0.8KG; შეკვრის წონა: 1.3KG		
	საოპერაციო ტემპერატურა და ტენიანობა	32-104 F / 0-40 C, 10-90% (არა კონდენსირებული)		
	ამანათის შემცველობა	ტელეფონი, ყურმილი კაბელით, მთავარი სადგარი, უნივერსალური კვების მომმარაგებელი, ქსელური კაბელი, სასტარტო გიდი		
	თავსებადობა	FCC Part 15 (CFR 47) Class B; EN55022 Class B, EN55024, EN61000-3-2, EN61000-3-3, EN 60950-1; AS/NZS CISPR 22 Class B, AS/NZS CISPR 24, RoHS; UL 60950 (კვების ადაპტერი)		

შენიშვნა:

- შემოთავაზებულ საქონელს უნდა გააჩნდეს ხარისხის დამადასტურებელი დოკუმენტი (სერტიფიკატი), რაც უნდა დაერთოს პრეტენდენტის მიერ ატვირთულ სატენდერო წინადადებას.
- შემოთავაზებული საქონელი უნდა იყოს ქარხნული ახალი (არა ექსპლუატაციაში ნამყოფი).